



J. N. J.



Plendida gens Pindi, dulces Aganippidos undas
Quæ cupidis labiis haurit, Simulacra Virorum
Doctorum in magno semper consuevit habere
Et raro pretio dignoque extollere honore.
Interdum effigies finxere è Marmore duro,
Quæ iacies præ se clarentis lumine ferrent
Ingenii fulgente Viri; quin & studiosa vetustas
Pulchri de vario fecit Simulacra metallo
Illorum, Musas qui perpoliere novenas;
Quandoque & scitus pictor variante colore
Magnorum scripsit quondam docta ora Virorum.
Quippe amor intensus medium hoc non norat ineptum,
Ne forte obtegerent aliquando oblivia cæca
Nomina, quæ cæli summo dignissima tecto,
Adjice, quod melior museis nullus in orbe
Ornatus fingi possit, quam scitula Imago
Turbæ Pieridum. Quondam loca ditia libris
His mire ornabant; sæpe & rubrica librorum
Tempore, quo nobis concessum est vivere, vultum
Ostendit celebrem cujusdam Heliconis Alumni.
Pectori.